

Uprava policije - Održan sastanak sa predstavnicima Biroa za ljudska prava Tuzla

14.09.2020 15:17



U okviru realizacije UNICEF projekta "Pravda za svako dijete", danas (14.9.2020.godine) je u prostorijama MUP-a TK-a održan sastanak predstavnika Biroa za ljudska prava Tuzla sa predstavnicima Odsjeka za seksualne delikte, maloljetničku delinkvenciju i nasilje u porodici/SKP/Uprave policije MUP-a TK-a.

Na sastanku je razgovarano o primjeni Zakona o zaštiti i postupanju sa djecom i maloljetnicima u krivičnom postupku FBiH, trenutnoj praksi i izazovima u primjeni alternativnih mjera, s akcentom na primjenu policijskog upozorenja, kao i na provođenje preventivnih programa za prevenciju maloljetničkog prestupništva u Tuzlanskom kantonu.

Ovom prilikom, predstavnicima Odsjeka za seksualne delikte, maloljetničku delinkvenciju i nasilje u porodici uručeni su edukativni materijali izrađeni u sklopu navedenog projekta koji sadrže informacije za roditelje o svrsi i principima izricanja i provođenja Policijskog upozorenja, i isti će biti raspoređeni policijskim upravama odnosno policijskim stanicama radi dalje distribucije na terenu.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>